

**Isertitsivimmi inissitap inuttaanik aamma pinerluuteqarsimasunik  
isumaginnittoqarfiup paaqqinniffiini isersimaartarfinnik misissuisarneq  
pillugu nalunaarut (misissuisarnermik nalunaarut)**

Kalaallit Nunaannut pinerluttulerinermi inatsimmi § 221, imm. 5 aamma § 221 a, immikk. 3 pinerluttulerinermi inatsimmi nr.1045 7.september 2017-meersumi inatsisissatut nalunaarutigineqartoq naapertorlugu aamma inatsisikkut nr.572-kkut 10.maj 2022-kkut allangortinneqartumi aalajangersarneqarput:

*Atuuffia*

**§1.** Isertitsivimmi inissitap inuttaanik aamma isersimaartarfinnik misissuineq pisinnaavoq pinerluttulerinermi inatsimmi § 221 malillugu, taamaattoq tak. imm. 2. Inissiisarfimmiittoq pinerluttulerinermi inatsisip §§-ia 221 a malillugu peqquneqassaaq misissugassamik anersaaqullugu imaluunniit quumik misissugassamik queqqullugu.

*Imm. 2.* Pensionini inissitap timaannik pinerluttulerinermi inatsimmi § 221, imm. 1 malillugu misissuineq atisaajaanermik kinguneqassanngilaq, aamma pinerluttulerinermi inatsimmi § 221, imm. 2 malillugu parnaarussap inuttaanik (timimik misissuineq) sukumiinerusumik misissuisoqarsinnaanngilaq. Pensionini inissitap pinerluttulerinermi inatsimmi § 221 a malillugu misissugassamik anersaaquneqarsinnaanngillat queqquneqarsinnaannatilluunniit.

*Timimik misissuataarineq, isertitsivimmi inissitap timaannik misissuineq, misissugassamik  
anersaarnissamik imaluunniit misissugassamik quinissamik.*

**§ 2.** Pinerluttulerinermi inatsimmi 221 malillugu akuliunnerni atisaajaanertalinni, isersimatitanik allanik najuuttoqassanngilaq.

**§ 3.** Pinerluttulerinermi inatsimmi § 221, imm. 1 malillugu timimik misissuataarinermut ilaapput akuliunnerit pinerluttulerinermi inatsisioq 221-a malillugu inuup timaata iluanut kaatuinertaqanngitsut imaluunniit misissuinissaq siunertaralugu timimik attuanninniviginninnertaqanngitsut.

**§ 4.** Isertitsivimmi inissitap timaannik misissuataarisoqartinnagu misissuisoqartinnagulu paaqqinniffiup parnaarussaq akuliunnermut toqqammavisoq pillugu oqaatsitigut ilisimatissavaa, pissutsit immikkut ittut taamaaliornissamut akerliunngippata.

**§ 5.** Sulisut minnerpaamik marluk inissiisarfimmiittup timaannik misissuataarinermi aamma timimik misissuineq i peqataassapput. Pinerluttulerinermi inatsisip !§221-a malillugu akuliunnerit, atisaajaanermik kinguneqartut, taamaallaat pisinnaapput inuit parnaarussap suaassuseqatai isiginnaartillugit,

peqqinissaqarfimmi sulisut misissuisuunngippata. Tamanna pissutsinit immikkut ittunit pisariaqartinneqarpat akuliunneq sulisumit kisimiittumit isumagineqarsinnaavoq.

*Imm. 2.* Misissugassamik anersaarluni imaluunniit quilluni pinerluttulerinermi § 221 a malillugu pisoqaassppat tamanna pissaaq minnerpaamik sulsisumik ataatsimik najuuttoqarpat. Kisianni misissugassamik quisoqartillugu taamaallaat inissiisarfirmiittup suaassuseqatigisai kisimik najuutissapput peqqinissaqarfimmi sulisut eqqaassanngikkaanni.

**§ 6.** Isertitsivimmi inissitaq itimigut-utsummigut misissortikkumanngippat, imaluunniit allat pissutigalugit misissuisoqarsinnaanngippat, isersimatitaq tamatumunnga taarsiullugu ataatsimooqatigiinnissanut ilaaqusaajunnaassaaq pigaartuusumit nakkutigineqarluni ataatsimooqatigiinnernut ilaaqusaajunnaarneq pillugu nalunaarut malillugu.

*Isertitsivimmi inissinneqarsimasut isersimaartarfiannik misissuineq*

**§ 7.** Isertitsivimmi inissitat isersimaartarfiannik misissuinermi sulisut minnerpaamik marluk peqataassapput. Tamannali pissutsinit immikkut ittunit pisariaqartinneqarpat misissuineq sulisumit kisimiittumit ingerlanneqarsinnaavoq.

**§ 8.** Paaqqinniffik inissitat isersimaartarfiannik misissuereerpat, inissitaq tamatumunnga ilisimatinneqassaaq.

*Imm. 2.* Paaqqinniffiup noqqaavigineqarnini malillugu pineqartoq misissuisoqarsimaneranut pissutaasumik ilisimatissavaa.

*Imm. 3.* Misissuineq inissitap pigisaanik isersimaartarfimmiittunik misissuilluinnarnermik kinguneqassappat, paaqqinniffiup inissitaq misissuinermik isiginnaartissavaa imaluunniit misissuinerup kingorna inissitaq misissuisimanermik inerneranillu nassuiaanneqarnissaanik neqeroorfigissavaa, pissutsit immikkut ittut tamatumunnga akerliunngippata.

**§ 9.** Misissuineq isersimaartarfiup tukattunngorneranik kinguneqarsimappat, paaqqinniffiup naleqquttumik torersaanissaq isumagissavaa.

*Ataatsimut aalajangersakkat*

**§ 10.** Makku allatorneqartassapput

1) timimik misissuineq

2) akuliunnerit § 221 malillugu , pissutsit immikkut ittut pissutigalugit sulisumit ataatsimit ingerlanneqarsimasut, tak. § 5, immikk. 1 aamma § 7.

3) Akuliunnerit § 221 malillugu , atisaajaanermik kinguneqartut aamma parnaarussap suaassuseqatiginngisaanit najuuffigineqartut, naleq. § 5, immikk. 1.

**§ 11.** Inissitap pigisai tigummigallarneqarpata paaqqinniffiup pigisat tigummigallarneqartut tulleriaarlugit allattussavai. Inissitaq tigummigallarneqartut pillugit ilisimatinneqassaaq aamma allattukkap nuutsinneqarneranik tunineqassaaq.

*Imm. 2.* Pigisat tigummigallarneqartut, arsaarinissutigineqanngitsut, paaqqinniffimmi toqqortarineqassapput pigisat pillugit nalunaarummi malittarisassat malillugit.

*Imm. 3.* Pigisaaq paaqqinniffimmit pigineqarpat arsaarinnissutigineqarsinnaavoq.

*Atortuulersitsineq*

**§ 12.** Nalunaarut atortuulersinneqarpoq ulloq 4. juli 2022

*Imm. 2* Nalunaarut nr. 1175 7. December 2009-meersoq atorunnaarpoq

*Kalaallit Nunaanni Pinerlutunik Isumaginnittoqarfik, ulloq 1. juli 2022*

Christian Høygaard